



Inatsisartunut ilaasortaq Nikolaj Jeremiassen, Siumut  
Inatsisartut  
/MAANI

### § 37 nr. 2013-030-mut akissuteqaat Aasianni tunisisitsisarneq pillugu

23-04-2013  
Suliap normua 2013-082552  
Dok. nr. 1193720

Inatsisartut suleriaasianni § 37, imm. 1 naapertorlugu apeqquteqarsimavutit Aasianni aalisartut tunitsiveqarnikkut periarfissaat pitsanngorsarniarlugit Naalakkersuisut qanoq pilersaaruteqarnersut pillugit. Apeqqut uannut akisassanngorlugu innersuutigineqarsimavoq.

Postboks 269  
3900 Nuuk

Tlf. (+299) 34 50 00

Fax (+299) 34 63 55

E-mail: apnn@nanoq.gl

www.nanoq.gl

#### Apeqqut:

Aasianni aalisartut piniartullu umiatsiaararsortut annerusunillu angallataatillit ukiuni arlalinngortuni tunitsivissaqaratik tuniniaavik kisiat isumallutigalugu inuutissarsiorneq ingerlappaat, naak raajanut tunitsiveqaraluartoq. Naalakkersuisooqatigiit qanoq pilersaaruteqarpat tunitsiveqalernissaat eqqarsaatigalugu?

#### Akissut:

Paasisinnaavara, siornali aalisartut aamma tunisassiorlut akornanni oqaloqatigiittoqartarsimasoq Aasianni aalisakkanik tunisisinnaanermut periarfissat pitsanngortinneqarnissaat pillugit. Tassunga atatillugu suliami pingaarnerusumik pineqarput qalerallit saarullillu. Soorunami neriutigaara, oqaloqatigiinnerit tamakku kinguneriumaaraat tunisisinnaanermut periarfissat pitsanngortinneqarnerat, taamaasilluni aalisartut Aasianneersut pisaminnik Kangaatsiamut tunisiartorlutik assartuisarunnaarniassammata.

Qulaaniittumullu atatillugu erseqqissaatigisariaqarpara, apeqqutit taamaattut taamaallaat tassarpiaammata aalisartut aamma tunisassiorlut akornanni susassarineqartut. Naalakkersuisut akulerussinnaanatillu akulerukkusunngillat suliani, KNAPK-p tunisassiorlutunniit akunnerminni iliuuserisaannut tunngassuteqartunut.

Naggasiulluguli nalunaarutigisinnaavara, tunisassiorlutit namminermit paasisutissiisutiginerartut naapertorlugit ukioq manna april naalerpat Aasianni nipisat suaannik tunisisinnaaneq ammarneqassammata. KANUAANA-mit nalunaarutigineqarpoq, nipisat suaannut tunngaterpiarlugu, ukiut arlallit eqqaasanngikkaanni aalisartut 2005-imiilli Aasianni nipisat suaannik tunisisinnaasimmata.

Inussiarnersumik inuulluaqqusillunga

Karl Lyberth